

Gobernador a ricibi boeki di Parlamentario Lampe

STA. CRUZ -- Dia 25 di September 2008 a tuma lugar un encuentro entre lider di fraccion di RED y Gobernador di Aruba. Durante e encuentro a discuti diferente topico di interes general, entre otro e falta di funcionamiento di Parlamento di Aruba. Na mesun momento sr. Lampe a entrega un ehemplar di su boeki, "Mi ta djis cumpli cu mi deber. E valornan cu a guia mi di sacerdote pa politico" na Su Excelencia, sr. Refunjol. Gobernador a keda invita pa atende e presentacion di e boeki cu a tuma lugar na nos Biblioteca Nacional, pero su persona a notifica por escrito cu pa otro compromiso e no por tabata presente. Awor na oficina di Gobernador por a tuma lugar e entrega di e boeki na nos prome ciudadano. Sr. Gobernador a mustra hopi interes den topico di e boeki y e lider di fraccion di RED a skirbi un dedicatoria como gratitud pa e atencion di sr. Gobernador. Tambe sr. Gobernador di Antiyas, sr. F. Goedgedrag, a mustra interes den e boeki di parlamentario

Lampe, despues cu su persona a keda invita pa asisti na e presentacion di e boeki cu lo tuma lugar diabierna 26 di September 2008 na Biblioteca Publico na Willemstad. Lider di fraccion di RED lo ta di bishita na nos hermana isla

di Curaçao pa e presentacion di boeki, entrevistanan na television y radio, y diferente encuentro cu lidernan di Curaçao. Riba e portret por aprecia lider di fraccion di RED y Gobernador di Aruba na momento di entrega di e boeki.

